

21 MAR 1997

PRESIDEN JERMAN LAWAT MALAYSIA BULAN DEPAN

KUALA LUMPUR, 21 Mac (Bernama) -- Presiden Jerman Prof Roman Herzog akan melakukan lawatan lima hari ke Malaysia mulai 1 April atas jemputan Yang di-Pertuan Agong Tuanku Ja'afar.

Kenyataan Wisma Putra menyatakan beliau akan diiringi oleh isterinya, Christiane dan satu delegasi pegawai kanan kerajaan serta ahli perniagaan.

Lawatan itu bertujuan mengeratkan lagi hubungan antara kedua-dua negara itu.

Semasa di sini Herzog akan mengunjungi Tuanku Ja'afar dan mengadakan perbincangan dengan Perdana Menteri Datuk Seri Dr Mahathir Mohamad.

Pemimpin Jerman itu juga akan mendengar ceramah berkaitan Islam yang akan diberikan oleh dua cendekiawan Eropah yang terkenal di Institut Kefahaman Islam Malaysia (IKIM) di sini.

Beliau juga dijadual menyaksikan "klinik bola sepak" yang akan dikendalikan oleh pemain terkenal Jerman Franz Beckenbauer di Stadium Cheras selain melawat tempat-tempat menarik di Sarawak, menurut kenyataan itu. -- BERNAMA

ES RI NMO